




ТОШКЕНТ ОҚШОНИ



ШАҲАР ИЖТИМОИЙ-СИЁСII ГАЗЕТАСИ

Газета 1966 йил 1 июлдан чиқа бошлаган № 23 (9.215) 1999 йил 26 февраль, жума Сотувда эркин нархда

Осойишталик — Улуф Неъмат

16 февралда Тошкентда юз берган террорчилик ҳаракатлари муносабати билан «Оқшом» тахририятига ҳамшаҳарларимиздан, пойтахтимиз маҳаллаларида истиқомат қилувчи оддий фуқаролардан келадиган кўлдан-кўп хатларда йўбошчимизга Яратгандан узоқ умр, озод юртимизга тинчлик ва osoйишталик тиланади, osoйишталик улуф неъмат эканлиги таъкидланади. Кўйда ана шундай дил сўзларидан намуналар чоп этилмоқда.

Муҳтарам Президентимиз «Мамлакатнинг болалари — менинг болаларим», дедилар. Демак, мен ҳам уларнинг қизлариман. Мен оддий деҳқон қизиман, уй бекасиман. Тошкентда бўлган қонли воқеалар менинг ҳам қалбимга ханжар бўлиб қадади. Шаҳидларнинг оиласига ва қариндошларига ҳамдардлик билдираман, бахтимизга севиқли ва доно отамиз — Президентимизнинг азиз бошлари омон бўлсин.

Тошкент шаҳар, Собир Раҳимов тумани, Қорасарой кўчаси, 142-уйда турувчи Сабоҳат МАМАДАЛИЕВА.

Ассалому алайкум, ҳурматли ИСЛОМ АБДУҒАНИЕВИЧ!
Тошкентда бўлиб ўтган муҳим террорчилик ҳаммамизни ларзага солди. Бу ишни Сизнинг олиб бораётган оқилона ва одилона ишларингизни, халқимизнинг тинчлигини, тўқлигини ва гуллаб-яшнашини кўролмайдиган кимсаларнинг иши деб биламиз. Улар ўз эъзосини албатта оладилар, деб умид қиламиз. Сиз учун ва халқимиз учун жонимизни беришга тайёрмиз.

Сизга эҳтиром билан,
Тошкент шаҳар, Чилонзор тумани, Аз-Хоразмий даҳаси, 17-мавзе, 46-уй, 34-уйда истиқомат қилувчи Мухаббатхон, Мадишахон, Ҳабибахон, Халимахон, Юсуфжон, Тўлақижон, Ғайратжон ва Абдуллажон ОБЛАЁРОВЛАР.

16 февралда Тошкентда юз берган террорчилик ҳаракати, беғуноқ кишиларнинг бу қонли воқеалар пайтида ҳалок бўлиши, ҳамшаҳарларимизнинг қора кучларга нисбатан билдираётган қаҳр-ғазаб сўзлари фақатгина газетамиз саҳифаларида ёритилиб қолмай, балки бу воқеалар «Оқшом» газеталари тахририятида ишловчи ходимлар қалбига ҳам кучли акс садо уйғотди. Тошкентнинг «Оқшом» газеталари тахририяти жамоаси ҳаммамиз учун қора кўл бўлган 16 февралдаги террорчилик ҳаракатларидан зарар кўрганларга камтарона ёрдам кўрсатиш мақсадида икки кунлик иш ҳақларини ўтказишга қарор қилди.

«КўНГИРОҚЛАРИНГИЗНИ КУТАМИЗ»
«Оқшом» муштарийларини навбатдаги мулоқотга 1 март — душанба кун таклиф этамиз. Улар 133-99-42 рақамли телефонга кўнгироқ қилишлари мумкин.

ЮРТИМИЗ ФИДОЙИЛАРИ



Баҳодир Дадамухамедовга шифокорлик бувадидан қолган мерос бўлиб, бу шарафли касбни у севиб ва ардоқлаб келмоқда. Бугунги кунда у Мирзо Улуғбек тумани ҳудудий тиббиёт бирлашмаси ва туман марказий диагностика поликлиникаси бош шифокори бўлиб сиккудидан, фидойилик кўрсатиб ишлаб келяпти. Унинг эзгу мақсади мусавфо осмонимиз остида яшовчи озод ва ҳур Ўзбекистон аҳолисининг соғлом бўлишини таъминлашга муносиб ҳисса қўлишидир.

СУРАТДА: «Соғлом авлод учун» ордени соҳиби Баҳодир Дадамухамедов. Рустам Шарипов олган сурат.

БУГУН

- ☑ «Чекмасдан ёшлик гаштини сур» лойиҳаси ва ушбу лойиҳа бўйича дастурнинг биригичи бошқичи қандай натижалар берди? **2-бемга.**
- ☑ Адолат, санимийлик, меҳр-оқибат, жонқуярлик — маҳалланинг азалий аъёнчалари. **3-бемга.**
- ☑ Келгуси ҳафтада «Ойна жсаҳон»да қандай кўрсатувлар намойиш этилади? **4, 5, 6-бемларга.**
- ☑ ... Маликани қайтадан тўй-томошалар билан шаҳзода Сарсабига никоҳ қилдилар. **7-бемга.**
- ☑ Ақлали киши барча оғир ишлар олдига доддирамайди, ўзини маҳкам тутаяди, сабот ва ирода туфайли талабага эришади. **8-бемга.**

ДАВР САДОСИ

Барча манбалардан олинган сўнги ахборотлар

МАМЛАКАТИМИЗДА

- Тошкент вилояти ҳокимлигида ижтимоий соҳада илохотларни жадаллаштиришга бағишланган йиғилиш бўлди.
- Соғлиқни сақлаш вазирлиги ўтказган республика семинар-кенгаши юқумли касалликлар эпидемиологияси ва уларнинг олдини олиш учун қандай чора-тадбирлар амалга оширилаётганлиги масалаларига бағишланди.
- Урганч шаҳрида ўтказилган таъсис анжуманида «Тумарис» хайрия жағмармаси ташкил этилди.
- Қарши шаҳридаги «Санам» фабрикасида зардўзлик цехи очилди.
- Бугун Ўзбекистон Бадиий академияси республика таъвирий ва амалий санъат интернатида Ўзбекистон Республикаси ёш раангасвирчилари — Лидице-99 (Чехия Республикаси) 27-халқаро ёш ижодкорлар кўргазмасини ташкил этди.

ЖАҲОНДА

- Сухумида бўлиб ўтган Абхазия Президенти В. Ардзинба ва Грузия ташқи ишлар вазири И. Минагаришвили ўртасидаги учрашувида қочқоқларни қайтариш масалалари муҳокама этилди.
- Бугун Москвада Россия, Беларуссия, Қозғистон ва Қирғизистоннинг давлатлараро кенгаши мажлиси бўлиб ўтди. Унда ана шу тўрт мамлакат божжона иттифоқиға Тожикистонни киритиш масалалари аниқланди.
- Япония матбуот марказида «Япония — Ўзбекистон» дўстлик ассоциацияси Ўзбекистоннинг Токиодаги элчихонаси билан ҳамкорликда ташкил этган Ўзбекистон Республикасининг тақдими бўлиб ўтди.
- Хитой Халқ Республикасининг Сичуан вилоятида Россияда ишлаб чиқарилган ва маҳаллий авиацияга қараши бўлган «ТУ-154» йловчи самолётни портлаб кетди. Шунинг оқибатида 61 киши ҳалок бўлди.
- Мукаррама Турғунбоева номидаги миллий «Ўзбекракс» ракс бирлашмаси ўзбек ракс санъатини дунёга таратмоқда. Яқинда «Баҳор» ансамбли ўз маҳоратини Японияда, «Тановар» ракс театри Хиндистонда намойиш этди. «Лазги» ансамбли эса Германиянинг Гамбург шаҳрида бўлиб ўтган Ўзбекистон иктисодиёти кунларида қатнашди.
- Жанубий Корея марказий банки маълумотларига қараганда, давлат валюта захираси ой сайин ошиб бормоқда. У 15 февралгача 52,2 миллиард АҚШ доллариға етди.
- Индонезиянинг шарқда христиан ва мусулмон қавмлари ўртасида қонли тўқнашувлар бўлиб ўтди. Унда 200 га яқин киши ҳалок бўлди.

Саховат БОЛАЛАР КАСАЛХОНАСИ УЧУН

Япониянинг Ўзбекистонда фаолият кўрсатаётган йирик «Сумитомо корпорейшн» компанияси ваколатхонаси Тошкент шаҳар ҳокимлигига соғва тариқасида тез тиббий ёрдам кўрсатиш ускуналарига билан жиҳозланган «Тойота» фирмасининг «Ленд Крузер» автомобилни топширди.

Шуни айтиш керакки, ҳозирги пайтда республикаимизда жаҳоннинг кўпгина етакчи фирмалари ва компанияларининг ўнлаб ваколатхоналари ҳам муваффақиятли фаолият кўрсатмоқда. «Сумитомо корпорейшн» компаниясининг юртимиздаги ваколатхонаси нафақат савдо соҳасида, балки хайрия ташкилоти сифатида ҳам доврў қўзғонган. Ваколатхона бошлиғи жаноб Сугияма компаниянинг муваффақиятли фаолият кўрсатиши Ўзбекистондаги сиёсий ва иқтисодий баркарорлик шарофатидандир. У шунингдек, саховат кўрсатишдек эзгу фаолиятини юртимизда яна давом эттириш ниятида эканлигини айтди.

— Шаҳар ҳокимлигининг қарорига кўра ушбу машинани биз Юнусобод туманидаги 5-кўп тармоқли болалар касалхонасига ажратишга қарор қилдик, — деди Тошкент шаҳар Соғлиқни сақлаш бош бошқармасининг бошлиғи Равайн Султонов. — Ҳозирги вақтда ушбу клиникада 5 та бўлим турли хасталиклар бўйича болаларга ҳар томонлама тиббий ёрдам кўрсатмоқда. Шу жиҳатдан олганда соғва қилинган ушбу иктисослаштирилган автотранспорт аини мудоао бўлди. Чунки бу машина қатор афзалликларга, зарур жиҳоз ва ускуналарга эгадир. «Сумитомо корпорейшн» компаниясидан автомашинани тақдим этиш маросимида Тошкент шаҳар ҳокими Қозим Тўлаганов иштирок этди.

(Ўз муҳбиримиз).
СУРАТДА: тошкентлик болаларга соғва қилинган хорижий машина. Рашид Галиев олган сурат.



ПОЙТАХТ ҲАЁТИ: янгиликлар, воқеалар, муаммолар

ЗАМОНАВИЙ ЖИҲОЗЛАР

Саноат

«Сергелимеабирлашмаси» ҳиссадорлик жамиятида чет эллик ҳамкорлар билан ишлаш яхши йўлга қўйилган.

Айниқса бу борада Германия, Италия ва Болтиқбўйи давлатлари ишбилармонлари билан бўлаётган ҳамкорлик ўз самарасини бераётганлигини таъкидлаш жоиз.

Корхона яқин кунларда Россия билан биргаликда «Укувжиҳоз» қўшма корхонасини очиш тараддудини кўрмоқда. Бу қўшма корхонада республикамиз мактаб, лицей, коллежлари ва олий ўқув юртлири учун замонавий жиҳозлар ишлаб чиқарилади. Ҳозирда тажриба тариқасида тайёрланган маҳсулотларга талаб катталиги қўшма корхонанинг келажаги порлоқлигидан далолат бермоқда.

Максуд КОБУЛОВ.

Ҳан

ЯНГИ МАЛҲАМ

Ўзбекистон Республикаси Фанлар академияси Биоорганик кимё институти полифенеллар лабораторияси ходимлари томонидан мегосин малҳами кашф этилди.

Ундан урогенитал касаллик, яъни пешоб йўлларида пайдо бўладиган герпес хасталигини даволашда фойдаланиш мумкин. Касалликни даволоччи бу восита пахта мойининг сариқ рангдаги ўта заҳарли госсипол моддасининг ҳосиласидир.

Назира НАЗАРОВА.

Қонун — амалда

МУҲИМ МАВЗУДА

Шаҳримиздаги 120-мактабда русийзабон ўқувчиларга давлат тилини ўргатиш тажриба мактаб ўқитувчиларининг республика анжумани ўз иштини тамомлади.

Унда республика мактабларидаги тажриба ўқув дастури синовининг бориши муҳокама қилинди. Республика таълим марказининг директори М. Абдураимов, 120-мактаб директори С. Мамутова ва ишчи гуруҳининг раҳбари, профессор Р. Толиповалар тажриба майдонининг ўқув-услубий имкониятлари ва синов дастурларининг мақсад ва вазифалари борасида маъруза қилдилар. Семинар қатнашчилари икки кун мобайнида тажриба майдони, ўқув синфлари иш жараёнлари билан атрофлича танишиб дарсларда қатнашдилар.

Русийзабон ўқувчилар анжумани қатнашчиларига ўзбекиона урф-одат ва турли хилдаги қадриятларга бой аъёнларни қисқа кўринишларда намойиш қилдилар. Мактаб тарихи ва мунозараларни соф давлат тилида сўзлаб, олиб бордилар. Анжуман қатнашчилари тажриба ўқув дастури тўғрисида фикр алмашдилар ва тажриба майдонидаги ўқув жараёнларини республика мактабларида кенг ёйишга келишиб олинди.

Хусан БАРОТОВ.

Таълим

ҚАЙТА ТАЪМИРЛАНЯПТИ

Мамлакатимиз Президенти Вазирлар Маҳкамасининг мажлисда сўзга чиққанларида таълим тизимини ислоҳ қилиш, кадрлар тайёрлашда ҳал қилувчи аҳамият касб этувчи академик лицейлар ва касб-хунар коллежлари тармоғини кенгайтириш зарурлигини алоҳида таъкидлаб ўтдилар.

Бу борада пойтахтимизда ҳам ибратли ишлар амалга оширилмоқда.

Шаҳримиздаги Абдурахмонов номли Тошкент политехника техникуми ушбу кунларда тўла қайта таъмирдан чиқарилмоқда. Таъмирдан чиқиб, замонавий жиҳозланган бино 750 ўринли касб-хунар коллежига айлантирилади.

Айни кунларда шаҳар капитал қурилиш бошқармаси буюртмасига асосан бунёдкорлик ишларини муваффақиятли олиб бораётган «Дипломатик қурилиш» бирлашмаси қурувчилари таъмирни сифатли адо этишга ҳаракат қилишмоқда.

Дилором ФОИПОВА.

ЖАҲОН БОЗОРИНИ КЎЗЛАБ

Ҳамкорлик

Шаҳримиздаги «Ўзэлектроаппарат» ҳиссадорлик жамияти қошида Россиянинг «Элга» металлургия комбинати билан ҳамкорликда ташкил этилган «Элга-Осиё» қўшма корхонаси яқиндан бошлаб ўзининг янгиланган турдаги маҳсулотларини ишлаб чиқара бошлади.

Ушбу корхона томонидан тайёрланадиган 3-4 комфортли «Лисьва» ошхона электр плиталари аллақачонлар республикамиз аҳолиси

этиборига тушиб улгурган. Корхона конструкторларининг самарали изланишлари туфайли бу харидорнинг маҳсулотнинг жаҳон андозаларига тўла жавоб берадиган янги тури яратилди.

Қўшма корхона жамоаси жаҳон бозоридан ўрин оладиган бу маҳсулот билан боғлиқ тайёргарлик ишларини тугаллаб уни оммавий ишлаб чиқаришга киришди.

Маҳмуд ОРИПОВ.



Пойтахтимиздаги «Туфин» қўшма корхонаси жамоасида ишлаб чиқарилаётган ширинликлар нафақат республикамиз аҳолиси дастурхонини безамоқда, балки қўшни давлатларга ҳам экспорт қилинмоқда. СУРАТДА: корхонанинг қадқоқлаш цехида.

Рустам Шарипов олган сурат.

1999 — Аёллар йили

АСОСИЙ МАҚСАД — САЛОМАТЛИК

Миробод туманидаги 110-ўрта мактабда юқори синф ўқувчиларининг тумандаги 1-поликлиника шифокорлари билан учрашуви ўтказилди.

Ушбу тадбир Шароф Рашидов номли маҳалла хотин-қизлар кенгаши ташаббуси билан ўтказилди. Учрашувдан қўзланган асосий мақсад баркамол авлод соғлигини муҳофаза этишдир. Шунинг учун ҳам бу ерга ташриф буюрган шифокорлар аёллар ва ёшлар силҳат-саломатлиги муаммолари, уларни бартараф этиш йўллари ҳақида алоҳида тўхталдилар. Шунингдек, иштирокчилар

ўзларини қизиқтирган барча саволларга батафсил жавоб олдилар.

— Ушбу тадбир шуниси билан эътиборга лойиқки, — дейди маҳалла хотин-қизлар кенгаши раисаси Роза Авезжонова, — қатнашчиларнинг барчаси ўзлари учун аниқ ва айни пайтда муҳим ахборотларни олдилар.

Ҳайайманки, албатта у ўз самарасини беради, бу ўғил қизларимизнинг кайфиятларидан ҳам сезилиб турибди. Аёллар йилида жуда кўп шундай тадбирлар ўтказишни режалаб қўйганмиз.

Дилноза ФИЁСОВА.

Тағбирлар

ФАОЛЛАРГА — СЕРТИФИКАТЛАР

«Чекмасдан ёшлик гаптини сур» деган лойиҳа Ўзбекистон Республикаси Халқ таълими вазирлиги, «Камолот» ёшлар жамғармаси, «Бритиш Америкэн Тобакко» компанияси ва бошқа жамоат ташкилотлари томонидан қўллаб-қувватланиб, ушбу дастурнинг биринчи босқичини амалга оширишга киришилган эди. Тажриба-намуна ишлари учун Тошкент шаҳридаги 9-мактаб ҳам танланди.

Ўтган шу вақт давомида мутахассислар ва ўқитувчилар ўқувчилар билан махсус таълимий жараёнларни амалга оширдилар. Ота-оналар ўртасида давра суҳбатлари уюштирилди. Кўрилган бу тадбир ўзининг дастлабки ижобий самарасини берди. Биринчи босқич натижаларини қўлга киритишда фаоллик кўрсатиб, тажриба ишларини муваффақиятли олиб борган педагоглардан бир гуруҳи муносиб тақдирланди.

Уларга Ўзбекистон Республикаси Халқ таълими вазирлиги, «Бритиш Америкэн Тобакко» компанияси ҳамда «Камолот» ёшлар жамғармаси эсдалик совғаси ва сертификатига топширилди. Лойиҳани амалга оширишнинг иккинчи босқичида эса республикамиздаги барча ҳудудлар иштирок этади.

Акбар АЛИЕВ.

Қуюнчақлик билан
ёзилган

АРОСАТДА ҚОЛГАН УЙ


Ҳурматли таҳрират! Биз яшаيدиган кўп қаватли уйнинг ярми йўқ. Тўғрироғи, лойиҳа бўйича мўлжалланган 90 хонадонлик 9 қаватли уйнинг ярми қуриб битказилган ҳолос. 43 хонадонда яшовчи хонадон соҳиблари эса аросатда қолган уйнинг камчиликлари ҳақида тегишли идораларга бориб шикоят қилиб чарчади.

Кўп қаватли уйимиз шундоқкина сувнинг бўйида. Қорасарой ва Абдурахмонов кўчалари кесишган чорраҳа яқинида. Бир ёнимиз Қичқирқ анҳори, бир ёнимиз ўйдим-чукур хандақ. Уйнинг бошқа томонлари эса кўча юзи. Болалар учун ўйин майдончаси йўқлиги туфайли аёлларимизнинг жони ҳалак. «Болам қаёқда ўйнаб юрибди экан», деб хавотирда. Хонадонларнинг айримларида электр ҳисоблагичлар йўқ. Бунинг устига электр энергиясининг носозлиги туфайли лифт бир ой ишлаб, тўрт ой дам олади. Беш хонали хонадонларнинг ташқари томонидан бетон деворга қор-ёмғир ёғиб теккандай, ичкари томонга сув тоқилади. Ёғингарчилик кучайган маҳалда ичкари девордан сув худди жўмрақдан оққандай оқади. Намгарчиликдан деворга ёпиштирилган гулгозоллар саргайиб кетган. Шунингдек, хонадонларнинг ярмидан кўпиди ўзига яраша носозликлар мавжуд. Юқори қаватларда совуқ сув бир бўлиб, бир бўлмайдди. Хуллас айтаверадиган бўлсақ гап кўп. Бу ҳақда бир неча бор Собир Раҳимов тумани коммунал хизмат кўрсатиш бошқармасига мурожаат қилганмиз.

Энди бутун умидимиз сизлардан. Ажаб эмас, сизларнинг аралашувингиз туфайли аросатда қолган уйимизга сон кириб қолса.

6-уйда яшовчи хонадон соҳиблари номидан мактуб йўловчи Маҳмудбек ШОМАНСУРОВ.

ҲАФТАЛИК КЎРСАТУВЛАР



ДУШАНБА, 1

ЎЗТВ IV

Профилактика муносабати билан душанба, 1 март куни Ўзбекистон I телеканали кўрсатувлари соат 6.30 дан 14.10 гача...

17.55 Кўрсатувлар тартиби. 18.00 Янгиликлар. 18.10 «Кичкинтойимиз-гижин-тойимиз».

18.35 «ТВ патруль». 18.45 «Истеъдод». Мусликий дастур. 19.05 «Мувоzanат».

20.30 «Ахборот». 21.05 «Маърифатнома». 21.35 «Муслика ва замон». 22.10 «Қусто командасининг сув ости саргузаштлари».

23.00 «Ахборот». 23.35 «Муслика ва замон». 24.00 «Олтин тўп». Теннис клуби. 10.00, 12.00, 14.00 Янгиликлар.

10.05 «Жавоҳирлар хазинаси». 10.30 «Кундуз амакининг қиссалари». Мультисериял. 10.45 Кундузги сеанс. «Болажон қиз». Бадийий фильм.

12.05 Ўзбекистон телерадиокомпанияси хизмат кўрсатган хор жамоасининг 40 йиллигига. 12.35 «Аралаш».

23.25 Оҳанглар ва эълонлар. 23.35 Саргузашт фильмлар экрани. 01.15 «Хайрли тун, шаҳрим!».

14.30 Кўрсатувлар тартиби. 14.35 «Дил изҳори». 15.05-16.10 ТУРКИЯ ТЕЛЕВИДЕНИЕСИ. 16.10 Кундузги сеанс.

18.15 «Бу эрмак жониворлар». 18.45 «Мульстайёра». 19.05 Душанба кунини Познер билан. «Биз» дастури.

19.45 «Шаҳарлик фаришта». Сериял. 20.30 «Хунар соҳиблари». Россия жамоат телевидениеси.

20.45 «Хайрли тун, кичкинтойлар!». 21.00 «Время». 21.35 «Шов-шув». Телесериал. 22.25 «Оламда нима гап?».

22.30 «Вакт хазинасидан». 22.45 «Замонавий дизайн». 23.00 «Вести». 23.30 Киносеванс.

23.30 Киносеванс. Стивен Сигал «Хавфли зонада» фильмида. 01.00 «Ахборот».

01.25-01.30 «Тунингиз осуда бўлсин!». 30-КАНАЛ Соат 15.00 га қадар линияда профилактика. 15.05, 18.00, 20.10, 00.30.

15.30 «Олов гилдирағи». Телесериал (Бразилия). 16.00 «Юлдузлар ёғилганда».

рог-дам олиш дастури. 18.30 Джон Коллинз ва Тимоти Далтон «Тунлоқлар» телесериалида (АҚШ).

19.30 «Иккиклама портрет». 20.30 «Тафсилотлар». 20.45 «Бир боқишда муҳаббат».

21.20 Борис Шербаков ва Наталья Белохостицова «Ун йилга хат ёзиш ҳуқуқидан маҳрум этилган» икхитмовий драмасида.

23.10 «Ақуна-матапа». 8.55, 15.10 — «Кундан-кунга». 10.40, 20.20, 01.25 — «Йул назорати».

11.00, 13.00, 15.00, 17.00, 20.00, 01.40 — «ТСН-6». 11.10, 19.10, 01.50 — «Кимки...».

11.25 «Юлдузлар юлдузлар ҳақида» Владимир Деятов. 12.00 «Образливый» тахлилий кўрсатуви.

13.10 ТВ-6 кинотеатри. «Чарли Чаплининг комедиялар тўплами». 14.45, 17.20 — «Харидингиз учун ташаккур!» теледўкони.

17.10, 03.10 — «Сифат белгиси». 17.45 «Шаддод Роза». Сериял. 18.40 «Деграсси кўчасидаги юкори синф ўқувчилари».

19.25, 02.05 — «Диск-канал». 20.40 «Кўешинг учинчи сайёраси». 21.10 «Соҳибжамол». Сериял. 1-серия.

Мусликий тўпلام. 20.30 «Ахборот». 21.05 «Офисина» бари фарибгарлари. Телесериал.

21.55 «Туризм ҳақида». Хафталик шарҳ. 22.25 «ДАРАҚЧИ». 22.35 «Сўхбатдош».

22.55 «Бешинчи ўлчов». 23.15 «Бу-држаз». 23.35 «Морт ва Фил». Мультисериял.

24.00 Оҳанглар ва эълонлар. 00.10 «Киноингоҳ». 01.50 «Хайрли тун, шаҳрим!».

Россия жамоат телевидениеси 7.30-9.00. 14.30 Кўрсатувлар тартиби. 14.35 «Жонли тил».

15.05-16.10 ТУРКИЯ ТЕЛЕВИДЕНИЕСИ. 16.10 Кундузги сеанс. «А-2 лойихаси».

Бадийий фильм. 17.45 Жаҳон янгиликлари (инглиз тилида).

18.15 «Куйини топинг». 18.45 «Мульстайёра». 19.05 «Мавзу». 19.45 «Шаҳарлик фаришта».

20.30 Бу ажиб дунё. Россия жамоат телевидениеси 20.45 «Хайрли тун, кичкинтойлар!».

9.15, 00.10 — «Навбатчи қисм». 9.35 «ТВ клуби». 9.55, 01.05 — «Товарлар — почта орқали».

10.00 «Санта-Барбара». 10.45 «Муслика, муслика...». 11.00, 14.00, 17.00, 20.00, 00.25 — «Вести».

11.30 «Турмуш икки-чакирлари». Телесериал. 14.30 Моника Витти ва Джонни Дорелли «Мени севаганим?» телесериалида (Италия).

15.20 «Бойлар ва машхурлар». Телесериал. 16.05, 17.55 — Мультифильмлар.

16.20 «Биринчи бўсалар». Телесериал. 17.30 «Минора». Ешлар ахборот-дам олиш дастури.

18.30 «Тунлоқлар». Телесериал. 19.30 «Иккиклама портрет». 20.30 «Тафсилотлар».

20.45 «Аншлағ» тамиштиради. 21.20 Кароль Буке «Битим» мелодрамасида (АҚШ).

23.10 «Пси Фактор». Телесериал. 8.55, 15.10 — «Кундан-кунга». 10.45, 20.25, 01.00 — «Йул назорати».

11.00, 13.00, 15.00, 17.00, 20.00, 01.15 — «ТСН-6». 11.10, 19.10, 01.25 — «Кимки...».

21.10 «02» тўлкинида. 21.25 «Рақслар қанотида». 21.45 «Равнақ».

22.00 «ДАВР». Ахборот дастури. 22.35 Синема «Қотил изидан». 00.15 «Хит-коллекция».

00.30 Футбол. УЕФА кубоги. 02.00 «Хайрли тун!».

ЎЗТВ III 17.55 «ДАРАҚЧИ». 18.05 Кўрсатувлар дастури.

18.10 «Ерилотш». Мультитўпلام. 18.25 «Ташналик». Телесериал. 19.15 «Усто». Телелавҳа.

19.25, 19.55, 20.25, 21.00 Эълонлар. 19.30 «Ахборот» (рус тилида).

20.00 «Хусусийлаштириш: қаддам-бақаддам». 20.20 Дилором наволар. 20.30 «Ахборот».

21.05 «Офисина» бари фарибгарлари. Телесериал. 21.55 «Менинг Тошкентим!».

Муаллифлик кўрсатуви. 22.25 «ДАРАҚЧИ». 22.35 Оҳанглар ва эълонлар. 22.45 «Телемедиа» намоиш этади.

ЖАВОҲИРЛАР САНДИФИ

(Охири. Боши газетанинг 14, 17, 20-сонларида)

Алкисса, орага киши қўйиб, яхши соатда тўй бўлиб, маликани мана бу Хожамдек (Хожа Вафони кўрсатиб) Хожага ақд айладилар. Оз фурсатда малика хомиладор бўлди. Хомила муддати тўлиб бир қиз туғди. Хусну жамолда онасининг икки хисса зиёда, онасида бор холлар қизда ҳам мавжуд эрди.

Алкисса, қиз беш-олти ёшга етганда онаси қазойи илоҳий бирлан ажал шарбатини нўш айлаб бу дунё бирлан видолашди. Чўпон сўзини шул ерга етқариб, анжуман аҳлига қараб, эй азизлар агар ҳикоям сизларга малол келтирса шул ерда тўхтагин деди. Шох хушини йиғиб олиб, эй чўпон, бу дилсўз ҳикоятингни давом этдириб, кўйган юракларга малҳам қил деди ва чўпонни юқорига олдириб, қўлидаги пиёлани чўпонга инъом қилди. Чўпон шох берган пиёлани нўш айлаб, тазйим бажо айлади.

Малика ҳикоясини давом эттириб, эй азизлар, ул маликадин қолган ёдгор қиз билан отаси Хожа ва бобоси шох овуноур эрдилар. Малика ўн ёшга етди, ул Хожага сафар айламак ҳаваси пайдо бўлиб, ўз вилоятига бориб ота-

менга тушган эмас эрди. Алҳол худонинг инояти бирлан ҳозир сизни кўрдим. Агар манзилингиз яқин бўлса мени олиб бориб маъқул бўлса кайвоний қилинг, бўлмаса канизингиз бўлувмен деди. Шахзода қизни отга миндириб шаҳарга олиб борди. Маликани онасининг олдига қўйиб, сўнгра отасига хабар берди. Шахзода отасидан ижозат олиб тўй-тамошо бирлан маликани ўз никоҳига киритди.

Оз фурсатда малика хомиладор бўлди. Хамал муддатига етиб бир ўғил туғди, офтоб тальат эрди. Бола кундан-кунга ўсиб кўзга кўринур эрди. Бола беш ёшга етди. Маликанинг отаси ва бобоси эсига тушиб оҳ-нолалар қилур эрди. Бир куни шахзодага арз айладиким, отам бирлан бобомни бир кўрсатиб келсангиз не бўлур? — деб, дуолар айлади. Шахзода отасидан жавоб олиб, икки юз аскарни қўшиб, бир неча ёши улуг хотинларни ҳамроҳ этиб, вазирзода-сини бу сафарга саркор этиб жўнатди. Бир ойдан кўпроқ йўл юрдилар. Ҳар ерда қўниб тунасалар маликанинг чодирини ўртага олур эрдилар. Бир кеча малика ярим кечада қазойи хожат учун чодирдин чиқди, ҳаммаёқ ойдин эрди. Вазирзода қўзи маликага тушди. Ишқ ўтидин

бетоқат бўлиб, қўлига қиличчи олиб, маликанинг чодирига босиб кирди ва маликага таҳдид қилиб, агар муддаом ҳосил бўлмаса ушбу шамшер билан аввал сени сўнгра ўзимни ҳалок қилурман, деди. Малика билдики, вақт тангдур, агар

Донишмандлар хазинасидан МУНАВВАРЧЕҲРА ВА САРСАБИЛ ҚИССАСИ

овоз чиқарса иккиси ҳам ҳалок бўлур. Бинобарин, малика дедиким, бу шахзода шаҳид айлаб шул ерга кўмил сўнгра мурод иши бўлмай деди. Вазирзода дарҳол ул беғуноҳ шахзода шаҳид айлаб, ўшал ерга кўмди. Энди малика вазирзодага дедиким, тонг вақти яқин ҳамда ўғлим мусибатида мотамдадурман, эртанги кўноқда муродинга етгайсан деб, мулойим сўзлар билан чодирдин чиқарди. Шундан сўнг ўзини мардона ясаб, андак таом ва нақдана олиб, хўржинга солиб ташқарига чиқиб, ўғли шахзоданинг отига миниб биёнон тарафига равона бўлди. Киём вақтида бир чашмага етиб ором олди. Ҳар ерда чашма учраса бир кеча қўниб ўтар эрди. Ногоҳ бир раббатга етди, шаҳарга бир фарсах (12 чакирим) қолган эрди. Бу раббот ёнида ўн кишини кўпроқ тарроллар маран айлаган эрдилар. Улар ўткинчиларни ушлаб, молини олиб ўзини нобуд қилур эрдилар. Тарролларнинг иккиси келиб маликанинг жон ҳолига қўймай ўз қўшларига олиб бордилар. Тарроллар кўрдиларки бир жавонидур мўйлаби ҳали чиқмаган. Улар бу йигитни бир базм қилурмиш деб, завқланур эрдилар. Малика уларнинг авзойини кўриб, ўрнидан туриб май кўвача билан пиёлани олиб косагил бўлди. Маликанинг узугини кўзида захри хилоҳил бор эрди. Ушал заҳардан яшириқча кўвача ичига солиб майга аралаштирди. Ҳаммасига бир пиёладан май сунди. Барча тарроллар охираг йўлини олдилар. Малика отига миниб яна йўлга равона бўлди.

Вазирзода бирлан икки юз сипоҳлар кўрдиларки малика йўқдур. Оҳ-нолалар қилиб уч кун кидирдилар, аммо ҳеч хабар топмадилар. Охири ноилоҳ ўз вилоятларига қайтиб бордилар. Шох билан шахзода бу мусибатдан зеру забар бўлдилар. Шахзода фироқ ўтига дош беролмай отаси шохдан рухсат олиб сафар тарадудига тушди. У қаландарона кийим кийиб йўлга чиқётганда, қўрмамак вазирзода ҳам қаландарона кийим кийиб шахзодага ҳамроҳлик қилди. Улар худди мана бу икки қаландар мехмонларга ўхшаб тоғу тош кезиб Эрон поштахига етиб келиб, уч-тўрт кун қаландархонада турдилар. Малика тарроллардан қўтилиб, йўлда келур эрди. Шаҳар яқинига етганда қўй боқиб юрган худди менга ўхшаган чўпонга йўлиқди. Малика ҳамма кийимларини унга бериб, унинг чўпонлик кийимига алмаштирди. Чўпон кийимида шаҳарга кириб, ўз отасининг уйига келди. Бул тарафдан шахзода қаландарлар ҳам Хожанинг уйига мехмон бўлиб келдилар. Бул кеча андог кечадурки, ҳамма жаъм бўлмишдур. Эй азизлар оғох ва хўшёр бўлингларки, ўшал сарсон-саргардон малика Мунавварчеҳрадурман. Эй ота маъзур тутинг ва эй бобом рози бўлинг ва эй ёри вафодорим шахзода Сарсабил Бағдодий қозога рози бўлинг! Энди мен ичкарига кирай деб, ўрнидан туриб ҳарамга қараб кетди.

Подшоҳ бирлан Хожа Вафо бехуш бўлиб қолган эрдилар. Хўшларига келгач, улар ҳам ичкарига кириб малика бирлан кўришдилар. Малика отаси ва бобосининг оёқларига йиқилиб, юз-кўзларидин ўпди. Улар бир-бирларини қўриб зиёда хўшнуд бўлдилар. Ул ботил шайх бирлан ҳарамзода вазирзода синиёсат дорига тортдилар. Маликани қайтадан тўй-томошалар билан шахзода Сарсабилга никоҳ қилдилар. Улар бир йил Бағдодда, бир йил Эронда яшаб, бир неча фарзанд кўрдилар. Ушбу ҳикояни ёдгорлик учун қолдириб фоний мулкидин бақо мулкига ҳиромон бўлдилар.

Турғун ФАЙЗИЕВ тайёрлади.



Буюк мутафаккир шоир, шеърят мулкининг султони Алишер Навоий ҳайкали муқаддас қадамжолардан биридир. Рустам Шарипов олган сурат.

Капра

ЎКИНЧ

Ишдан келишни кўтиб мижжа қоқмай тонг оттирган она тонг отиши билан ўғлининг ниҳонасига барвақт етиб келди.

Салобатли бино олдида тўхтаб бироз хаёлга чўмди. «Нима қилсам экан, навбатчиликда қолган бўлса, зора мени дераза ойнасида қўриб қолса. Йўқ, етиб келдимми, албатта қираман». Ногоҳон қоровулга рўбарў келганини ҳам билмай қолди.

— Сизга ким керак?
— Каттакон.

Соқчининг кўнгиригига ҳам қарамай юқори қаватга кўтарилгач, «Ўғлимнинг ёзув-чизуви ҳали тугамаган бўлса, мен ҳалақит қилсам, бироздан сўнг уйга борар эди», деб ўйлади. Бироздан сўнг котибанинг гапига ҳам қулоқ солмаган она ўғлининг эшигини очди.

«Айтганим тўғри чиқди. Ҳали ёзуви кўп экан. Нахотки эшик очилганини билмади. Гапирсам чалғиб кетса, чиқиб турсаммикан-а. Ке, ўзини кўрдим-ку ишини битирсин, бошқатдан қираман яна».

Йигирма дақиқа котиба қиз олдида тин олгач, сабри чидамай, рухсат сўраб ўғлининг олдида кирди. Чехрасида табассум кўри-наётган ўғил:

— Нима қилар эдингиз келиб, ахир мен ёш бола

эмасманку йўқолиб қолсам. Бирор соатдан кейин борар эдим ишимни битириб. Олиб берган янги кийимларимни ҳам киймабсиз. Ахир биласизку бу қанақа катта дароҳлигини.

— Ўғлим, сендан хавотир олиб, шошиб келаверибман, узр... Кейинги сафар кийиниб келарман, мабодо ўлиб қолмасам.

— Қўйинг, ўша бўлмағур гапларингизни. Уйга бори-нг, бироздан сўнг бораман.

Она йўлда бир-бир одим ташлаб борар экан, ўзига ўзи нималарнидир гапириб кетар эди. Хаёлида эллик ёшни қоралай деб турган ўғли. «Вой боласи тўшмағур-ей, ҳали ҳам бола-да, бола. Онанинг кўнгли болада, боланинг кўнгли далада. Ҳа, ишқилиб иши ўн-гидан келсин-да, ўғлимнинг. Ортимдан қоладиганим — шу ўғлим. Ҳали ҳам гўрлиги қолмади-қолмади-да».

Хаёлига йўлдош Сулаймоннинг қуйидаги тўрт-лиги келди шекилли, ўткинчиларга ҳам бепарво ўқиб борар эди:

**Ҳамма қилғиликни кўтаради у,
Не қилсанг аламин ютади.
Аммо вақти келиб қўзини мангу,
Юмганда кўзларинг очилар мошдек.
Абдулла ТОЛИПОВ,
мехнат фахрийси.**

Шарқ дурдоналари

ОЗ-ОЗ ҲАҚИДА ДОМО БУЛАР...

• Одоби одам табиғга ўхшайди, у билан суҳбатлашиш кўнгилдаги ғамни қувади.
• Дўст жамоли дардни аритади.
• Дўстнинг ёмони шундайки, яхшилигингни унутади, ёмонлигингни эслаб қолади.
• Душманнинг кўпчилиги оғир хасталиқдан ҳам хавфли.
• Душмандан сўнг бир кун бўлса ҳам яшамок мақсадга етмок билан тенг.

«Аталар сўзлари»дан.

• Ҳақимлардан бири айтади: «Душманлар билан шундай муомала қилки, бордию душманлиги дўстликка айланиб қолса, унга айтган гапларингдан уялиб юрма, дўст билан шундай муомала қилки, душманга айланиб қолса сирларинг ошкор бўлмасин».

• Утган ишга қайғуриб, беҳуда фиғон чекмок ва ўзи ўзига озор етказмок ақлли кишилар одатидан эмас. Ақлли киши барча оғир ишлар олдида довдирамайди, ўзини маҳкам тутати, сабот ва ирода туфайли ғалабага эришади.

• Шижоатли киши шундай кишики, у ўзини улуг ишларни бажаришга чанқок қилади, дилини эса оғир ишларга чидашга тайёрлайди. Шеър:

*Ботир деб аталса менинг ҳам номим,
Ундаи ҳосил бўлар обрў ҳам номим!*

Абулбаракот ҚОДИРИЙ.

• ҲИҚМАТ. Мақсадни қўлга киритишда ғайрат иш беради. Ҳар қимда ғайрат бўлмаса унда ўзгаларга ибрат бўла олиш қобилияти бўлмайди.

• ҲИҚМАТ. Лутфу қарам аҳлига ўз қўл остидагилар билан ёмон муомала қилиш, уларга беҳуда азоб бериш, бўлар-бўлмасга хафа қилавериш нораводир. Аксинча, уларни ўз лутфу қарами билан парварши қилиши, тўғри йўл кўрсатиши ва айбларини афу этиши лозим. Дунё йўли текис эмас, биров ўз ақли билан тўғри юролса, биров қоқилади. Қоқилгани эса суяш керак.

• Бировнинг дилини хушнуд қилиш комил кишилар иши, дил оғритиш эса жоҳил кишилар ишидир. Дил оғритувчи киши кунли келиб ҳасрат қонини ичиси муқаррардир. Байт:

*Тоқайгача, эй нодон, бировни йиғатарсан,
Сенинг ҳам дил ойпангни синдирувчилар тоқлар!*

Муҳаммад Жавҳар ЗАМИНДОР.

• Азизим, ғазаб шайтоний оловнинг шуъласидир. У шундай бир дарахтки, меваси пўшаймонликдан иборат. Шунинг учун таҳрибали кишилар ғазаб оташини сўндиришга уринганлар, жадд лўқмасини эса ичкарига ютишга ҳаракат қилганлар!

• Азизим, ҳар ким бирор ишнинг талабиди қадам қўйса бу ишнинг қийинчиликлари га чидаши керак. Мақсад қаъбаси сари йўлга чиққан одам заҳмат саҳросидан чўчимаслиги лозим.

• Уйлаб айтилган сўз ҳам қайта ишланиб тозаланмаган олтинга ўхшайди. Сен сўз айтишдан аввал яхшилаб ўйла, фикр бойлигини имтиҳон маҳаки билан сина, қайси сўз текширувдан яхши ўтса ўшани дилга келтир. Байт:

*Ҳар сўзги яхшилаб ўйланган эмас,
Айтишу ёшига асло арзимас!*

Ҳожа Самандар ТЕРМИЗИЙ.

• Бахиллик одамнинг ўз молига жону дилидан ёпишиб олишидир. Бахил одам ўзининг ёйиши ва кийиниши учун ҳам пул сарф этишни истамайди. Масалан, нон, мева ва шунга ўхшаш нарсаларнинг янгисини олишга қудрати етса ҳам эскисини олади, либосларнинг янгисини сотиб олмай, эски ва йиртиқларини харид қилади, тоза ва мусаффо ерда яшаш ўрнига қоронғи, зах ва саломатликка зарар етказувчи жойларда яшайди.

• Таъмагирлик ёмон хулқлардан бири ҳисобланади. Таъмагир одам ўз орауларини рўёбга чиқариш учун турли қабиҳликлардан ҳам қайтмайди, ҳеч қандай гуноҳдан қўрқмайди, ёлғон гапирди, ёлғон сўзини исботлаш учун ёлғон қасамлар ичади. У ҳар хил ҳийлаларни уйлаб топади ва ҳаром ейди.

Ҳаёлиддин ал-ҲАСАНИЙ.

• Айтадилар:
— Фазилат наслу насаб билан эмас, балки одоб билан топилади.

• Бир куни халифа Маъмун одоб билан сўзлаётган бир боладан: «Кимнинг ўғлисан?» — деб сўради. Бола: «Одобнинг ўғлиман», — деб жавоб берди. Бу жавобни эшитган Маъмун: «Қандай қиройли отанг бор экан-а», — деб унга таҳсин ўқиди.

• Ҳақиқий инсон ҳамisha илм ва ҳунар олишга интилади. Илм бир дарахт бўлса одоб унинг мевасидир. Одобсиз олим — мевасиз дарахт каби.

Муҳаммад ҲУСАЙН.

Маҳмуд ҲАСАНИЙ таржималари.

БОБУРНИ ДАВОЛАГАН ТАБИБ

Газетанинг шу йил 12 февраль сонидagi Бобур таваллудининг 516 йиллигига бағишланган туркум мақоаларни мароқ билан ўқиб чиқдим. Айтишларича шoirнинг Юсуфий исми табиби бўлган экан. Ана шу шахс ҳақида маълумот берсангиз.

Дилфуза БҮРИБОЕВА,
Чилонзор тумани.

Бобурни даволаган табиб — Юсуфий ҳақида Ўзбекистон Республикаси Фанлар академияси Шарқшунослик институти шарқ кўлэмалари фонди раҳбари, шарқшунос олим Маҳмуд Ҳасаний куйидагиларни сўзлаб берди:

— Юсуфий ибн Муҳаммад ибн Юсуф ат-табиб ал-Ҳаравий XVI асрнинг кўзга кўринган олими, шoirи ва табибларидан бири. У Хуросоннинг Хоф шаҳрида машҳур олим Муҳаммад табиб оила-

сида таваллуд топган. Ёшлигидан отаси таъсирида бўлиб, таъбат сирларини чуқур ўрганди. Кейинчалик улар Хиротга кўчиб келишди. Бу ерда ота ва боланинг ижоди гуркираб ўса бошларди.

Юсуфий аввало Навоий асос солган Дорушишода тахсил кўрган, сўнг Бобурнинг тақлифи билан Ҳиндистонга бориб, уни шох хос табиби сифатида ишлаган. Бобурдан сўнг унинг ўғли Ҳумоюннинг муншйиси вазифа-

сини бажарган. Ўзининг янгидан-янги даволаш усуллари ҳақида «Юсуфий табобати» номли китобини ёзган. «Бобурома» тили билан айтганда Юсуфий томир кўриш ва тахшис қилишда тенги йўқ олим бўлган.

Юсуфий XVI асрнинг ўнинчи йилларидаёқ машҳур табиб сифатида ном қозона бошлаган эди. Бу аср бошида Европадан Хиротга тарқалган заҳм касаллигини биринчи бўлиб тадқиқ этиб, унга қарши дори-дармонлар ишлаб чиққанлардан биринчиси Юсуфий эди.

Бобур 1530 йилда касал бўлиб қолганда Юсуфий унга атаб «Соғлиқни сақлаш ҳақида қасида» рисоласини ёзади. Бобур вафот этганда ҳам Юсуфий унинг устида турган.

Наргиза ПИРНАЗАРОВ

Бу ажиб дунё

АСТМАНИНГ МАНБАИ

Американинг 8 та тиббиёт марказидаги илмий-текшириш натижаларига қараганда, болалар ўртасида астма касаллигининг кўпайиб кетишига асосий сабабчи сувараклар экан. Бу ҳашаротлар сўлаги теккан овқат қолдиқлари текширилганда астма касаллигининг аллергик турини кўзга туви вируслар борлиги аниқланди.

ТАМАКИ АВВАЛ... ЧАЙНАЛГАН

АҚШда дастлаб тамакини чайнаш кенг тус олган. Уша пайтларда тамаки чекувчи зиёлилар ҳамёнларида чайналган тамакини туфлаш учун махсус банкачалар олиб юрарди. Бу одат узоқ вақт, ҳатто XIX асрда сақич ва сигареталар пайдо бўлгандан кейин ҳам давом этган.

ЎСИМТА ХАВФСИЗ ЭКАН

Вазни бир йилда 80 килограмдан 120 килограмгача ошиб кетган аёл бундан ташвишланиб шифохонага мурожаат этди. Уни зудлик билан операция қилдилар. Юзлаб ўсимта касалликларини операция қилган жарроҳ ҳам ўсимтанинг жуда катталигидан ўзини йўқотиб қўяёзди. Жарроҳнинг айтишича, ўсимта бўлак-бўлак қилиб кесиб олинди. Беморнинг бахтига, бу улкан ўсимта хавфсиз экан.

ИСМСИЗ ОДАМЛАР

Қадим замонларда бир исмига бойлар эга бўлган бўлса, бошқа бир «қадри пастроқ» ном билан камбағаллар аталган. Урта асрда Кореяда аёллар умуман исмига эга бўлмаган. Улар шунчаки, кимнингдир хотини ёки синглиси ё онаси деб юритилган. Бошқа мамлакатларда эса аёллар эркакнинг номига ўтган.

Хонбиби МАҲАМОВА.



Билим олишга йўл «Алифбе»дан бошланади.

Равиль Альбеков олган сурат.

ДАЛА ҚИЗИҚ ЭКАН

— Даданг билан дала айланибсан. Яхши келдингми? — набирасидан сўради буви.

— Дала қизик экан. Даданлар бир одамга: «Ерлар қорнинг тагида хамирдек ошиб ётибди», дедилар. Айтингчи, ер хамир бўлса ундан шилпилдоқ, лағмонни қандай қилиб пиширишди?!

ТЕКИН НУР

— Ёруғлик учун лампочканинг нури яхшими ёки кўёшини? — сўрашди ёш Дилбардан.

— Менимча... — ўйлаб деди қизча, — кўёшининг нури яхши. Ҳисоблагичи йўқ. Солиқчилар ўлчаб, отамдан пул олишмайди.

Боланинг тили ширин ЎЗИМГА ҚОЛМАЙДИ

— Бозордан туршак олиб келдим-де укаларимга улашдим. Фақат Гули қолди. Қанча берсам экан, ойи, — сўради ўғил онасидан.

— Яхшиси ўзидан сўра.

— Ий-е, ўзидан сўрасам туршакдан ўзимга бир донга ҳам қолмайди-ку.

НЕГА УРИШАДИ?

— Нега она товугимиз болаларини уришмайди? — сўради Собиржон бувисидан.

— Бекордан-бекорга нега уришди?

— Лойда юришибди-ку исқирт бўлиб, оёқ кийимларини киймай.

Ғани АБДУЛЛАЕВ.



Муассис:
Тошкент шаҳар
ҳокимлиги

Бош муҳаррир
Акмал АҚРОМОВ

Манзилимиз: 700000,
Тошкент шаҳри,
Матбуотчилар кўчаси, 32

ТЕЛЕФОНЛАР:

хатлар — 133-29-70;
эълонлар:
133-28-95, 132-11-39,
факс: (3712) 133-29-09.

Ҳақини — 2 босма тибқ офсет усулида
босилади. Қониз бичими А-2

Душанба, чоршанба
ва жума
кунлари чиқади.

Нашр кўрсаткичи — 209

Рўйхатдан ўтиш тартиби: №10.

Нашрини етказиб бериш масалалари буйича турар жойлардаги
почта бўлимларига ёки «Тошкент почтасига» — 133-74-05
телефонига мурожаат қилишнинг мумкин.

«Шарқ» нашриёт-таърифи мажмуи
босмахонаси. Корхона манзили:
«Буёқ Турон» кўчаси, 41-уй.